

韋蘇州集

四部備要

集部

上海中華書局據項氏翻
宋本校刊

杭縣	杭縣	桐鄉
丁輔之監造	吳汝霖輯校	陸費達總勘

版權所有不許翻印

韋蘇州集序

韋蘇州唐史不載其行事林寶姓纂云周道遙公璽之後左僕射扶陽公待價生司門郎中令儀令儀生鑾鑾生應物應物生監察御史河東節度掌書記慶復李肇國史補云爲性高潔鮮食寡欲所居焚香掃地而坐其爲詩馳驟建安已遠各得風韻詳其集中詩天寶時扈從遊幸疑爲三衛永泰中任洛陽丞京兆府功曹大曆十四年自鄂縣令制除櫟陽令以疾辭歸善福精舍建中二年由前資除比部員外郎出爲滁州刺史改刺江州追赴闕改左司郎中貞元初又歷蘇州罷守寓居永定精舍其後事迹究尋無所見肇又云開元以後位卑而著名者李北海王江寧李綰陶鄭廣文元魯山蕭功曹張長史獨孤常州崔比部梁補闕韋蘇州以集中事及時人所稱考其仕宦本末得非遂止於蘇邪案白居易蘇州答劉禹錫詩云敢有文章替左司左司蓋謂應物也官稱亦止此有集十卷而綴敘猥非非舊次矣今取諸本校定仍所部居去其雜廁分十五總類合五百七十一篇題曰韋蘇州集舊或云古風集別號雖上西齋吟藁者又數卷可以繕寫嘉祐元年十二月二十二日太原王欽臣記

韋蘇州集卷第一

蘇州刺史韋應物

古賦一首

冰賦

雜擬二十一首

擬古詩十二首

雜體五首

與友生野飲效陶體一首

效何水部二首

效陶彭澤一首

燕集二十一首

大梁亭會李四栖梧作一首

燕李錄事一首

淮上喜會梁川故人一首

揚州偶會前洛陽盧耿主簿一首

賈常侍林亭燕集一首

月夜會徐十一草堂一首

移疾會詩客元生與釋子法朗因貽諸曹一首

慈恩伽藍清會一首

夜偶詩客擇公作一首

與韓庫部會王祠曹宅一首

晦日處士叔園林燕集一首

尾亭西陂燕賞一首

西郊燕集一首

春宵燕萬年吉少府中孚南館一首

滁州園池燕元氏親屬一首

韋蘇州集 卷一

郡樓春燕一首

南塘泛舟會元六昆季一首

郡齋雨中和諸文士燕集一首顧況詩附

軍中冬燕一首

司空主簿琴席一首

與村老對飲一首

古賦

冰賦

夏六月白日常午火雲四至金石灼爍玄泉潛沸雖深居廣廈珍簾輕簾而亦鬱鬱煥煥不能和平其氣陳王於是登別館散幽情招親友以高會算仲宣爲客卿睹頰冰之適至喜煩暑之暫清王乃誇賓而歌曰含皎皎兮瓊玉委氣淒淒兮奪天時飲之瑩骨兮何所思可進於賓請客卿爲寡人笑而賦之客諾曰美則美矣而大王不識其短夫謂之瓊玉竊名器也氣奪天時干陰陽也內熱飲之媒其疾也寵一物而三失德且出寒暑而至下薦宗廟而至高僕竊感之而獻歎安得而不爲之指麾何積陰之勝純陽兮惟此玄冰居炎天之赫赫兮獨嚴厲乎稜稜其始也月玄冥日北陸天地閉水泉縮動靜一變剛柔反覆壯以烈風積如羣玉由是依廣覆漫漫憑高峰嶽大寒御節萬物潛形浮彩浩浩仰吞素靈羣山早曙陰壑夜明古者祭之黑牡其藏以節被之桃弧其出以潔今明明大魏禮物必備寶大王鐘匱之常品非小民造次之所致若尊卑異等頒命有度碎似墜瓊方如截璚况粉壁雲臺象筵霜布座有麗人皎然俱素雖衆賓之同輝諒爲物之難固其竊名假質以謬一時之賞也如此若乃對脩竹臨方塘俾炎作寒兮反我天常嗟綿綰之失御於三伏兮亦紉扇委篋而內傷其嚴沍之威以干陰陽之候也如此若皎潔之蟬與時消釋或沉珠於杯或化瑤於掖王將甘飲聊以自適豈知乎一寒一溫日

夜相激久之以生疾兮內外不和而怵惕其既意而媒疾也如此觀其劣足以淒一室利庖廚俾甘肥晚敗醇醴不渝非可調湊理安營魄奈何以誇客陳王於是絕然而慙曰寡人生於深宮懽於服食左右唯燕姬趙女侈服美色微客卿之言則何以雪余感方當命有司而撤冰書盤盂以自式

雜擬

擬古詩十二首

其一

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車背鄉園朔風一作次卷行迹嚴冬霜斷肌日入不遑息憂歡一作懼客髮變寒暑人事易中心君詎知冰玉徒貞白客一作容

其二

黃鳥何關關幽蘭亦靡靡此時深閨婦日照紗一作倚窗裏娟娟雙青娥微微啓玉齒自惜桃李年誤身遊俠子無事久離別不知今生死

其三

峨峨高山巔浼浼青川流世人不悟地謝如驚塵百金非所重厚意良難得旨酒親與朋芳年樂京國京城繁華地軒蓋凌晨出垂楊十二衢隱映金張室漢宮南北對飛觀齊白日游泳屬芳時一二遊吟諫康時平生自云華

其四

綺樓何象氲朝日正杲杲四壁含清風丹霞射其牖玉顏上哀轉絕耳非世有但感離恨情不知誰家婦孤雲忽無色邊馬爲迴首曲絕碧天高餘聲散秋草徘徊惟中意獨夜不堪守思逐朔風翔一去千里道

其五

嘉樹藹初綠靡蕪吐幽芳君子不在賞寄之雲路長路長信難越惜此芳時歇孤鳥去不還絨情向天末

其六

月滿秋夜長驚鳥號北林天河橫未落斗柄當西南寒蛩悲洞房好鳥無遺音商飈一夕至獨宿懷重衾舊交日千里隔我浮與沉人生豈草木寒暑移此心

其七

酒星非所酌月桂不爲食虛薄空有名爲君長歎息蘭蕙雖可懷芳香與時息豈如凌霜葉歲暮羈顏色折柔將有贈延意千里客草木知賤微所貴寒不易

其八

神州高爽地遐瞰靡不通寒月野無綠寥寥天宇空陰陽不停歇貞晚各有終汾沮何鄙儉考槃何退窮反志解牽跼無爲尙勞躬美人奪南國一笑開芙蓉清鏡理容一作雲髮寒簾出深重豔曲呈皓齒舞羅不堪風慄慄情有待贈芳爲我容可嗟青樓月流影君惟中

其九

春至林木變洞房夕含清單居誰能裁好鳥對我鳴良人久燕趙新愛移平生別時雙鸞綺留此千恨情碧草生舊迹綠琴歇芳聲思一作願將魂夢歡反側寐不成擊衣迷所次起望空前庭一云擊衣迷此所次起望空前庭孤影中自惻不知雙鸞零

其十

秋天無留景萬物藏光輝落葉隨風起一作遺愁人獨何依華一作明月圓缺君還浩無期如何雨絕天一云如何雲雨絕一去音問一作塵遠

其十一

有客天一方寄我孤桐琴迢迢萬里隔託此傳幽音冰霜中自結龍鳳相與吟絃以明直道二云絃以昭清直漆以固一作形交深

其十二

白日湛上沒空闌生遠愁寸心不可限淇水長悠悠芳樹自妍芳一云自交結又云房樹正妍芳春禽自相求徘徊東西廂孤妾誰與儔
年華逐絲淚一落俱不一作難收

雜體五首

沉沉匣中鏡爲此塵垢蝕輝光何所如月在雲中黑南金既彫鏤帶共輝飾空存一作有鑒物各坐使妍蚩感美人竭肝膽思照冰玉色自非磨瑩工日日空歎息

古宅一作字集祇鳥羣號枯樹枝黃昏窺人室鬼物相與期居人不

安寢搏擊思此時豈無驚與鷄飽肉不肯飛既垂逐鳥節空養凌雲姿孤奉肉食恩何異城上鴟

春羅雙鴛鴦出自寒夜女心精煙霧色指歷千萬緒長安貴豪家一作字妖豔不可數裁此百日功唯將一朝舞舞罷復裁新豈一作寧

思勞者苦

同聲自相應體質不必齊誰知賈人鐸能使大一作音樂諧鑾鏘發宮徵和樂變其哀人神既昭草鳳爲一作皇亦下來豈非至賤物一

奏升天階物情苟有合莫問玉與泥

碌碌荆山璞一作和獻君門荆璞非有求和氏非有恩所獻知國寶至公不待言是非吾一作欲點此道今豈存

與友生野飲效陶體

攜酒花林下前有千載墳於時不共酌奈此累下人始自翫芳物行當念徂春聊舒遠世蹤坐望還山雲且遂一懽笑焉知賤與貧

效何水部二首

玉宇含清一作秋露香龍散輕煙應當結沉抱難從茲夕眠

夕漏起遙怨蟲響亂秋陰反屢相思字中有故人心

效陶彭澤

霜露悴百草時菊獨妍華物性有如此寒暑其奈何撥英泛濁醪日入會田家盡醉茅簷下一生豈在多

燕集

大梁事會李四栖梧作

梁王昔愛才千古化不泯平聲至今蓬池上遠集八方賓車馬平明合城郭滿埃塵逢君一相許豈要平生親入仕三十載如何獨未伸英聲久藉藉臺閣多故人置酒發清彈相與一作蕭樂佳辰孤亭得長望白日下廣律富貴良可取一作求竭來西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑經過處雪下驪山沐浴時近臣零落今猶一一作誰在仙駕飄飄不可期此日相逢一作逢君思一作非舊日一杯成喜亦一作又成悲

淮上喜會梁川故人

江漢會爲客相逢每醉還浮雲一別後流水十年間歡笑情如舊蕭疎鬢已班何因北一作不歸去淮上對一作有秋山

揚州偶會前洛陽盧耿主簿唐物頃貳洛陽常有連騎之遊

楚塞故人稀相逢本不期猶存袖裏字忽怪囊中絲客舍盈樽酒江行滿篋詩更能連騎出還似洛橋時

賈常侍林亭燕集

高賢侍天階一作塵跡顯心獨幽朱軒驚開右地館在東周繚繞接都城飢望嵩丘羣公盡詞客方駕永日遊朝旦氣候佳逍遙寫煩憂綠林鶻已布華沼澹不流凌露摘幽草涉煙翫輕舟圓荷既出水廣廈可淹留放神遺所拘魴罰屢見酬樂燕良未極安知有沉浮醉

罷各云散何當復相求

月夜會徐十一草堂

空齋無一事岸幘故人期暫輟觀書夜還題詠月詩遠鍾高枕後清
露卷簾時暗覺新秋近殘河欲曙遲

移疾會詩客元生與釋子法朗因貽諸曹

對此嘉樹林獨有戚戚愁抱察知曠職淹旬非樂閑釋子來問訊詩
人亦扣關道同意曹遺客散疾徐還園徑自幽靜玄蟬噪其
間高應殿遠郊秋色起秋山黃曹幸休暇懷恨一作恨心所攀

慈恩伽藍清會

素友俱薄世屢招清景賞嗟佳悟音宿昔心已往重門相洞達高
宇亦遐一作通朗嵐嶺曉城分清陰夏條長一作清條又陰又氣
芳臺額蕭蕭散竹池廣平荷隨波泛迴瀾激林響疏食導道侶泊懷遺
滯想何彼塵昏人區區在天壤

夜偶詩客操公作

塵襟一蕭灑清夜得禪公遠自鶴林寺了知人世空驚禽翻暗葉流
水注幽叢多謝非玄度聊將詩興同

與韓庫部會王祠曹宅作

閑一生閒門蔭堤柳秋浸舍夕清微風送荷氣坐客散塵纓守默共
無悵抱冲俱寡營良時頗高會琴酌共開情

晦日處士叔園林燕集

連春草葉盡坐厭芳年賞賴此林下地清風滌煩想始萌動新物佳
禽發幽響嵐嵐嶺對高齋春流灌蔬壤饌酒遺形迹道言屢開獎幸蒙
終夕懽聊用稅歸鞍

屢亭西陂燕賞

杲杲朝陽時悠悠清陂望嘉樹如飢魚春遊方浩蕩況逢文翰侶愛
此孤舟漾綠野際遙波橫雲分疊嶂公堂日爲倦幽襟自茲曠有酒

今滿盈願君盡弘量

西郊燕集

濟濟衆君子高宴及時光羣山霽遐曠綠野布熙陽列坐遵曲岸披
襟襲蘭芳野庖薦嘉魚激澗泛羽觴衆鳥鳴茂林綠草延高岡盛時
易徂謝浩思坐飄颻眷言同心友茲遊安可忘

春宵燕萬年吉少府中平南館

始見斗柄迴復茲霜月霽河漢上縱橫春城夜迢遞賓筵接時彥樂
燕凌芳歲稍愛清觴滿仰數高文麗欲去返郊扉端爲一歡滯

滁州園池燕元氏親屬

日暮遊清池疏林羅一作籠高天餘綠飄霜露夕氣變風煙水門架
危閣竹亭列廣筵一展私烟禮屢歎芳罇前感往在茲會傷離屬
年明晨復云去且願此留連

郡樓春燕

衆樂雜軍鞞高樓邀上客思逐花光亂賞餘山景夕爲郡訪彫瘵守
程難損益聊假一杯歡暫忘終日迫

南塘泛舟會元六昆季

端居倦時燠輕舟泛迴塘微風飄襟散橫吹繞林長雲澹水容夕兩
微荷氣涼一寫情動意一云川一意寧用訴一作計華觴

郡齋雨中與諸文士燕集

兵衛森畫戟宴寢凝清香海上風雨至逍遙池閣涼煩痼近一作正
消散嘉賓復滿堂自題居處崇未覩斯民康理會是非遺性達形迹
忘鮮肥屬時禁蔬果幸見嘗俯飲一杯酒仰聆金玉章神歡體自輕
意欲凌風一作雲翔吳中盛文史羣彥今汪洋方知大藩地一作盛
豈曰財賦疆

奉同郎中使君郡齋雨中宴集之什州民朝議郎行饒州司

士參軍員外置同正員顧況

好鳥依嘉樹飛雨灑高城況與數一作古君子列座分兩楹一作公
南樓文雅一何麗一作盛林堂含餘清我公未歸期遊子不待晴白
雲帝鄉遠滄江楓葉鳴拜手欲無言零汨如一作和酒傾寸心已摧
折別離方骨驚安得凌風翰肅肅賓大京

軍中冬燕

滄海已云晏皇恩猶念勳式燕徧恆秩柔遠及斯人茲邦實大藩伐
鼓軍樂陳是時冬服成戎士氣益振虎竹謬朝寄英賢降上賓旋罄
周旋禮媿無海陸珍庭中丸劍闌堂上鼓吹新光景不知晚觥酌豈
言頻單醪昔所感大釀況同忻顧謂軍中士仰答何由申

司空主簿琴席

煙華方散薄蕙氣猶含露清景發清琴幽期默玄一作云悟留連白
雪意斷續迴風度掩抑雖已終怊怊在幽素

與村老對飲

鬢眉雪色猶嗜酒言辭淳朴古人風鄉村年少生離亂見話先朝如
夢中

韋蘇州集卷第一

韋蘇州集卷第二

蘇州刺史韋 應物

寄贈上六十二首

城中臥疾知聞薛二子屢從邑令欽因以贈之一首

聽嘉陵江水聲寄深上人一首

高陵書情寄三原盧少府一首

假中對雨呈縣中寮友一首

贈蕭河南一首

示從子河南尉班一首

趨府候曉呈兩縣寮友一首

贈李儋一首

贈盧嵩一首

寄馮著一首

早春對雪寄前殿中元侍御一首

贈王侍御一首

將往江淮寄李十九儋一首

自鞏洛舟行入黃河卽事寄府縣僚友一首

寄盧庾一首

發廣陵留上家兄兼寄上長沙一首

初發揚子寄元大校書一首

淮上卽事寄廣陵親故一首

寄洪州幕廬二十一侍御一首

經少林精舍寄都邑親友一首

同長源歸南徐寄子西子烈有道一首

雪中聞李儋過門不訪聊以寄贈一首

同德精舍養疾寄河南兵曹東廳掾一首

同德寺兩後寄元侍御李博士一首

同德閣期元侍御李博士不至各投贈二首

使雲陽寄府曹一首

過扶風精舍舊居簡朝宗巨川兄弟一首

贈令狐士曹一首

贈馮著一首

對雨寄韓庫部協一首

寄子西一首

縣內閑居贈溫公一首

對雪贈徐秀才一首

西郊遊宴寄贈呂僕李巽一首

對雨贈李主簿高秀才一首

休沐東還賈貴里示端一首

朝請後還邑寄諸友生一首

澧上西齋寄諸友一首

獨遊西齋寄崔主簿一首

紫閣東林居士叔緘賜松英丸捧對欣喜蓋非塵侶之所當

服輒獻詩代啓一首

秋集罷還途中作獻壽春公一首

閑居贈友一首

四禪精舍登覽悲舊寄朝宗巨川兄弟一首

善福閣對雨寄李儋幼遐一首

寺居獨夜寄崔主簿一首

九日澧上作寄崔主簿俾二季端繫一首

西郊養疾聞暢校書有新什見示久佇不至先寄此詩一首

澧上寄幼遐一首

善福精舍示諸生一首

晚出澧上贈崔都水一首

寓居澧上精舍寄于張二舍人一首

開元觀懷舊寄李二韓二裴四兼呈崔郎中嚴家令一首

春日郊園寄萬年吉少府中孚三原元少府偉夏侯校書審

一首

澧上醉題寄潯武一首

西郊期潯武不至書示一首

澧上對月寄孔諫議一首

將往潯城戀新竹蘭崔都水示端一首

還關首途寄精舍親友一首

秋夜南宮寄澧上二弟及諸生一首

塗中書情寄澧上兩弟因送二甥却還一首

雪後下朝呈省中一絕

寄贈上

城中臥疾知蜀薛二子屢從邑令飲因以贈之

車一作良馬日蕭蕭胡不枉一作在我廬方來從令飲臥病獨何如

秋風起漢一作江皋開戶望平蕪即此送一作稀音素一作表焉知

中密疎渴者不思火寒者不求水人生羈寓一作旅時去就當如此

猶希心異跡一作從利心遊異眷眷存終始

聽嘉陵江水聲寄深上人

整屋泄奔湍稱古神禹跡夜喧山門店獨宿不安席水性自云一作

為靜石中本無聲如何兩相激雷轉空山驚貽之道門舊了此物我

情

高陵書情寄三原盧少府

直方難為進守此微賤班開卷不及顧沉埋案牘問兵凶久一作互

相踐舊賦豈得閑促戚下可哀寬政身致患日夕思自退出門望政

山君心儻如此攜手相與還

假中對雨呈縣中僚友

卻足甘一作堪為笑閑居夢杜陵殘燭知夏淺社一作時雨報年登

流麥非關忘收書獨不能自然憂曠職賦此謝良朋

贈蕭河南

厭劇辭京縣褒賢待詔書鄴侯方繼業潘令且閑居歸後三川冷秋

深一作餘萬木疎對琴無一事新興復何如

示從子河南尉班并序

永泰中余任洛陽丞以撲撲軍騎時從子河南尉班亦以剛直為政

俱見訟於居守因詩示意府縣好我者豈曠斯文

拙直余恆守公方爾所存同占朱鳥剋俱起小人言立政思懸棒謀

身類觸藩不能林下去祇戀府廷恩

趨府候曉呈兩縣僚友

趨府不違安中宵出戶看滿天星尚在近壁燭仍一作猶殘立馬頻

驚曙垂簾却避寒可憐同宦者應一作始悟下流難

贈古儔

絲桐本異質音響合一作今自然吾觀造化意二物相因緣誤觸龍

鳳鳴靜聞寒夜泉心神自安宅煩慮頓可捐何因知久要絲白漆亦

堅

贈盧嵩

百川注東海東海無虛盈泥滓不能濁澄波非益清恬然自安流日

照萬里晴雲物不隱象三山共分明奈何疾風怒忽若基柱傾海水

雖無心洪濤亦相驚怒號在倏忽誰識變化情

寄馮著

春雷起萌蟄土壤日已疎胡能遠威明才俊伏里閭仰逐真性所

求唯斗儲披衣出茅屋
與漱臨清渠吾道亦自適
退身保玄虛幸無職事牽
且覽按上書親友各馳驚
難當訪弊慮思君在何夕
明月照廣除

早春對雪寄前殿中元侍御

掃雪開幽徑端居望故人
猶殘臘月雪更值早梅春
幾日東城陌何時曲水濱
聞閑且共賞莫待繡衣新

贈王侍御

心同野鶴與塵遠詩似冰
壺見底清府縣同趨昨日
事升沉不改故人情上陽
秋晚蕭蕭雨洛水寒夜夜
聲自歎猶爲折腰吏一作客
可憐驄馬路傍行

將往江淮寄李十九儋余自出吳王季入吳河洛道不遇

驚鷺東向來文鷁亦西飛
如何不相見羽翼有當年
徘徊到河洛華屋未及窺
秋風飄我行遠與淮淝期
回首煙霧遙兩相思陽春
自當返短翮欲追隨

自鞏洛舟行入黃河即事寄府縣僚友

夾水蒼山路向東東南山
豁大河通寒樹依微遠天
外夕陽明滅亂流中孤村
幾歲臨伊岸一鴈初晴下
朔風驚報洛橋遊宦侶扁
舟不繫與心同

寄盧康

悠悠遊別外此歡會難如
何兩相見隨心不妄亂疑
一柳妬衣思一流落豈如
望友生對酒起長嘆時節
異京洛孟冬天未寒廣陵
多車馬日夕自遊盤獨我
何耿耿非君誰爲歡

發廣陵留上家兄兼寄上長沙

將違安可懷宿戀復一方
家貧無舊業薄宦各飄颻
執板身有屬淹時心恐惶
拜言不得留聲結淚滿裳
襟漾動行舫亭亭遠相望
離憂苦須臾獨往道路長
蕭條風雨過得此海氣涼
感秋意已違況自結

中腸推道固當遣及情豈所忘何時共還歸舉翼鳴春陽

初發揚子寄元大校書

懷懷去親愛泛泛入煙霧
歸棹洛陽人殘鍾廣陵樹
今朝此爲別何處還相遇
世事波上舟淞汭安得住

淮上即事寄廣陵親故

前舟已眇眇欲渡誰相待
秋山起暮鍾楚雨連滄海
風波離思滿一作遠宿昔
容鬢改獨鳥下東南廣陵
何處在

寄洪州幕府盧二十一侍御自南昌令拜頃同官洛陽

忽報南昌令乘聽入郡城
同時趨府客此日望塵迎
文苑臺中妙冰壺幕下清
洛陽相去遠猶使故林榮

經少林精舍寄都邑親友

息駕依松嶺高閣一攀緣
前瞻路已窮既詰喜更延
出巖聽萬籟入林濯幽泉
鳴鍾生道心暮磬一作鶴
空雲煙獨往雖暫適多累
終見牽方思結茅地歸息
期暮年

同長源歸南徐寄子西子烈有道

東洛何蕭條相思邈遐路
策策復誰遊入門無與晤
一作出入亦無聊還因送
歸客達此誠中素廣睽心
所歡豈得顏如故所歡不
可賤嚴霜晨淒淒如彼萬
里行孤妾守空閨臨觴一
長歎素欲何時諧

雪中聞李儋過門不訪聊以寄贈

度門能不訪冒雪履西東
已想人如玉遙憐馬似
驄乍迷金公路稍變上陽
宮還比相思意紛紛正滿
空

同德精舍養疾寄河南兵曹東廳掾

逍遙東城隅雙樹寒葱蒨
廣庭流華月高閣凝餘
霰杜門非養素抱疾阻良
讌孰謂無他人思君歲云
變官曹亮先忝陳躅慙後
彥豈知晨與夜相代不相
見緘書問所如一云所知
謝藻當分綯

同德寺兩後寄元侍御李博士

川上風雨來須臾滿城闕岩峴青蓮界一作寺蕭條孤興發前山遠
已淨陰翳夜來歇喬木生夏涼流雲吐華月嚴城自有限一水非難
越相望曙河一作何遠高齋坐超忽

同德閣期元侍御李博士不至各投贈二首

庭樹忽已暗故人那一作何不來祇應厭煩暑永日坐霜臺
官榮多所繫閑居亦憊期高閣猶相望青山欲暮時

使雲陽寄府曹

風駕祇府命冒炎不遑息百里次雲陽閭閻問漂溺上天屢憊氣胡
不均寸澤仰瞻喬樹顛見此洪流跡良苗免湮沒蔓草生宿昔類壩
滿故墟返喜將安宅周旋涉塗潦側峭綠溝脈仁賢憂斯民賤子甘
所役公堂衆君子言笑思與觀

過扶風精舍舊居簡朝宗巨川兄弟

佛剎出高樹晨光閣井中年深念陳跡追此獨怊怊零落逢故老寂
寥悲草蟲舊宇多改構幽篁延本聚栖止事如昨芳時去已空佳人
亦攜手再往今不同新文聊感舊想子意無窮

贈令狐士曹自八月朔日同使藍田淹留涉季事先半日而

不相待故有戲贈

秋簷一作霜滴滴對床寢山路迢迢聯騎行到家俱及東籬菊何事
先歸半日程

贈馮著

契闊仕兩京念子亦飄蓬方來屬追往十載事不同歲晏乃云至微
褐還未充慘悽遊子情風雪自關東華觴發懽顏嘉藻播清風始此
盈抱恨曠然一夕中善惡豈輕售懷才希國工誰當念素士零落歲
華空

對雨寄韓庫部協

颯至池館涼颯然和曉霧蕭條集新荷氣散高樹閑居與方澹默

想心已屢暫出仍濕衣況君東城住

寄子西

夏景已難度懷賢思方續喬樹落疎陰微風散煩燠傷離枉芳札忻
遂見心曲盡上舍已成田家雨新足託鄰素多欲一作願殘秋猶見
東日夕上高齋但望東原綠

縣內閑居贈溫公

滿郭春色風已昏鷗栖散吏掩重門雖居世網常清淨夜對高僧無
一言

對雪贈徐秀才

靡靡寒欲收鷗羈陰還結晨起望南端千林散春雪妍光屬瑤階亂
緒陵新節無爲掩扉臥獨守袁生轍

西郊遊宴寄贈呂僊李巽

升陽曜春物置酒臨芳席高宴闕英僚衆賓歡懼是時尚多疊板
築興頽壁羈旅念越疆領徒方祗役如何嘉會日當子憂勤夕西郊
鬱已茂春風重如積何當返徂兩雜英紛可惜

對雨贈李士儔高秀才

颺迤颺雲薄散漫東風來青山滿春野微雨灑輕埃吏局勞佳士賓
筵得上才終朝仰文墨高興共徘徊

休沐東還寄黃里示端

宦遊三十載田野久已疎休沐遂茲日一來還故墟山明宿雨霽風
暖百卉舒泓泓野泉潔熠熠林光初竹木稍摧翳園場亦荒蕪俯驚
鬢已衰周覽昔所娛存沒惻私懷遷變傷里閭欲言少留心中復畏
聞書世道良自退榮名亦空虛與子終攜手歲晏當來居

朝請後還邑寄諸友生

宰邑分旬服風駕朝上京是時當暮春休沐集友生抗志青雲表俱
踐高世名樽酒且歡樂文翰亦縱橫良遊昔所希累譴夜復明晨露

含瑤琴夕風頌素英一旦遵歸路伏軾出京城誰言再念別忽若千里行閉閣寡語訟端居結幽情況茲畫方永展轉何由平

禮上西齋寄諸友七月中等福之西齋作

絕岸臨西野曠然塵事遠清川下邇迤茅棟上岩嵒翫月愛佳夕望山屬清朝俯砌視歸翼開衿納遠颺等陶辭小秩効朱方負樵閑遊忽無累心跡隨景超明世重才彥雨露降丹霄羣公正雲集獨予忻寂寥

獨遊西齋寄崔主簿

同心忽已別昨事方成昔幽逕還獨尋緣苔見行跡秋齋正蕭散煙水易昏夕憂來結幾重非君不可釋

紫閣東林居士叔緘賜松英丸捧對忻喜蓋非塵俗之所當服輒獻詩代啓

碧澗蒼松五粒稀侵雲采去露沾衣夜啓羣仙合靈藥朝思俗侶寄將歸道場齋戒今初服人事章羶已覺非一望風峯拜還使腰間銅印與心違

秋集罷還途中作謹獻壽春公黎公

束帶自衙門奉命宰王畿君侯枉高鑒舉善掩瑕疵斯民本已安工拙兩無施何以酬明德歲晏不磷緇時節乃來集欣懷方載馳平明大府開一得拜光輝溫如春風至肅若嚴霜威羣屬所載瞻而忘倦與飢公堂燕華筵禮罷復言辭將從平明道憩車禮水湄山川降嘉歲草木蒙潤滋孰云還本品懷戀獨遲遲

閑居贈友

補吏多下遷罷歸聊自度園廬既蕪沒煙景空澹泊閑居養病察守素甘葵藿顏贊日衰耗冠帶亦寥落青苔已生路綠筠始分桴夕氣下搖陰微風動疎薄草玄貝見諠杜門無請託非君好事者誰來顧寂寞一作誰能

四禪精舍登覽悲舊寄朝宗巨川兄弟

蕭散人事憂迢遞古原行春風日已暄百草亦復生躋閣謁金像攀雲造禪局新景林際曙雜花川上明徂歲方緬邈陳事尚縱橫溫泉有佳氣馳道指京城攜手思故日山河留恨情存者幾難見去者已冥冥臨風一長慟誰畏行路驚

善福閣對雨寄李儋幼遐

飛閣凌太虛晨躋鬱嶂峰巒觸懸檻白雲冒層臺太陰布其地密雨垂八紘仰觀固不測俯視但冥冥感此窮秋氣沉鬱命友生及時未高步羈旅遊帝京聖朝無隱才品物俱昭形國士秉繩墨何以表堅貞寸心東北馳思與一會并我車風已駕將逐晨風征郊塗佳成淹默默阻中情

寺居獨夜寄崔主簿

幽人寂不一作無寐木葉紛紛落寒雨暗更深更流螢度高閣坐使青燈曉還傷夏衣薄寧知歲方晏離居更蕭索

九日禮上作寄崔主簿俾二李端繫

淒淒感時節望望臨澧渚翠嶺明華秋高天澄遠萍川寒流愈迅霜交物初委林葉索已空晨禽迎颺起時菊乃盈泛濁醪自爲美良遊雖可娛殷念在之子人生不自省營欲無終已孰能同一酌陶然冥斯理

西郊養疾聞暢校書有新什見贈久佇不至先寄此詩

養病慙清夏郊園數卉木窗夕一作戶含澗涼雨餘愛筠綠披懷始高詠對琴轉幽獨仰子遊羣英吐詞如蘭馥還聞枉嘉藻佇望延昏旭唯見草青青閉門澧水曲

禮上寄幼遐

寂寞到城關惆悵返柴荆端居無所爲念子遠徂征夏晝人已息我懷獨未寧忽從東齋起兀兀尋澗行胃星叢榛密披翫孤花明曠然

西南望一極山水情周覽同遊處逾恨阻音形壯圖非旦夕君子勸
令各勿復久留燕蹉跎在北京

善福精舍示諸生

湛湛嘉樹陰清露夜景沉悄然羣物寂高閣似陰岑方以玄默處豈
爲名跡侵法妙一作泛如不知歸獨此抱冲襟齋舍無餘物陶器與
單衾諸生時刻坐共愛風滿林

晚出澧上贈崔都水

臨流一舒嘯望山意轉延隔林分落景餘霞明遠川首起趣東作已
看耘夏田一從民里居歲月再徂遷味質得全性世名良自牽行忻
攜手歸聊復飲酒眠

寓居澧上精舍寄千張二舍人

萬木藜雲出香閣西連碧澗竹林園高齋猶宿遠山曙微霰下庭寒
雀喧道心淡泊對流水生事蕭疎空掩門時憶故交那得見曉排闥
闔奉明恩

開元觀懷舊寄李二韓二裴四兼呈崔郎中巖家令

宿昔清都燕分散各西東車馬行跡在霜雪竹林空方軫故物念誰
復一樽同聊披道書暇還此聽松風

春日郊居寄萬年吉少府中孚三原少府偉夏侯校書審

谷鳥時一囀田園春雨餘光風動林早高窗照日初獨飲澗中水吟
詠老氏書城闕應多事誰憶此閑居

澧上醉題寄潒武

芳園知夕燕西郊已獨還誰言不同賞俱是醉花間

西郊期潒武不至書示

山高鳴過雨澗樹一云林凋落殘花非關春不待當由期自賒

澧上對月寄孔諫議

思懷在雲關泊素守中林出處雖殊跡明月兩知心

將往潒城戀新竹簡崔都水示端

停車欲去縷聚竹偏愛新筠十數竿莫遺兒童觸瓊粉留待幽人迴
日看

還闕首途寄精舍親友

休沐日云滿沖然將罷觀嚴車候門側晨起正一作整朝冠山澤舍
餘兩川澗注驚湍攬轡遵東路一云登前路迴首一長歎居人已不
見高閣在林端

秋夜南宮寄澧上二弟及諸生

暝色起煙閣沉抱積離憂況茲風雨夜蕭條梧葉秋空宇感涼至類
顏驚歲周日夕遊闕下山水憶同遊

塗中書情寄澧上兩弟因送二甥却還

華簪豈足戀幽林徒自違遙知別後意寂寞掩郊扉迴首昆池上更
羨爾同歸

雪後一作夜下朝呈省中一絕

南望青山滿禁闕曉陪鸞駕正差池共愛朝來何處雪蓬萊宮裏拂
松枝

章蘇州集卷第二

韋蘇州集卷第三

蘇州刺史韋應物

寄贈下六十二首

寄柳州韓司戶郎中一首

寄令狐侍郎一首

閑居寄端及重陽一首

園林晏起寄昭應韓明府盧主簿一首

寄大梁諸友一首

新秋夜寄諸弟一首

郊園聞蟬寄諸弟一首

寄中書劉舍人一首

郡齋感秋寄諸弟一首

郡中對雨贈元錫兼簡楊凌一首

冬至夜寄京師諸弟懷崔都水一首

元日寄諸弟兼呈崔都水一首

寄職方劉郎中一首

社日寄崔都水及諸弟羣屬一首

寒食日寄諸弟一首

贈李儋侍御一首

寄楊協律一首楊詩附

郡齋贈王卿一首

簡恒璨一首

閑居寄諸弟一首

登樓寄王卿一首

寄楊當一首

贈崔員外一首

寄李儋元錫一首

京師叛亂寄諸弟一首

贈琮公一首

寄諸弟一首

寄恒璨上元一首

簡郡中諸生一首

寄全椒山中道士一首

寄釋子良史酒一首

重寄一首

答釋子良史送酒瓢一首

簡陟巡建三甥一首

覽襄子臥病一絕聊以題示一首

寄璨師一首

寄盧陟一首

塗中寄楊翹裴緒示襄子一首

宿永陽寄璨律師一首

雪行寄襄子一首

寄裴處士一首

偶入西齋院示釋子恒璨一首

示全真元常一首

寄劉尊師一首

寄廬山樸衣居士一首

因省風俗與從姪成緒遊山水中道先歸寄示一首

寒食寄京師諸弟一首

歲日寄京師諸季端武等一首

簡盧陟一首